

Kimaira, LGBT+ borrokaren alde



Hainbat esanahi ditu Kimaira hitzak. Batetik, utopia, lortu nahi baina ezin dena. Bestetik, Greziako mitologiatik hartuta, hainbat animalia-zatirekin osatutako animalia da Kimaira (Kimera). Esanahi biek in identifikatzen dira Ermuan sortu berri den LGBT+ taldeko kideak: “Bakoitzak bere ideologia dauka, bere pentsamoldea, baina denok bat egiten dugu”. Elkarrekin, indarrak batuta, ekintza eta asmo handiak dituzte eskuartean.

Lokaleko ohitura bat sendotu eta herrira zabaltzea pentsatu zuten Mikel Iturricastillo, Maider Mochales, Ines Gimeno eta koadrilakoek. “Ostiralero filosofia eta hainbat gaien inguruan berba egiteko errituala finkatu genuen. Ekimena asko gustatu zitzaigun eta jende gehiagori zabaltzea ideia ona izan zitekeela pentsatu genuen”, dio Maider Mochalesek. “Hainbat ezagunei komentatu genien eta ostiralero lokalera etortzen hasi ziren”, talde handiago eratu.

15 eta 17 urte bitarteko 10-15 kidek osatzen dute elkarte eta azaroan hasi zituzten bilerak. “Hasiera batean antifaxistatzat definitu behar genuen elkarte, baina LGBT+ moduan definitu dugu orain, Ermuan horrelakorik ez dagoelako”, azpimarratzen du Ines Gimeno.

“Eztabaida bakoitzean gai hori irteten zen eta hortik jo dugu. Hala ere, feminismoa eta beste gai batzuk ere jorratzen ditugu”.

Normalizazioaren beharra

Kimairaren helburua Ermuan LGBT+ borroka indartzea eta ikusgai izatea da. Mochalesek dioenez, Nühuk kartelak egin ditu, baina bestela inoiz ez dute aldarrikapenik ikusi. Ildo beretik jarraitzen du Mikel Iturricastillok: “Jendeak LGBT zer den jakitea eta ikusgaitasuna behar da”.

Normalizazioa behar dela adierazten du hirukoteak. “Jende askok ez daki mugimendu hau zertaz doan, ezjakintasun handia dago”. Beraz, informazioa eman eta laguntza eskaintzeko ere aproposa ikusten dute taldea sortzea. Zen-



tzu horretan, Udalarekin bil-tzeko asmoa aurkeztu dute, baina oraindik ez dira eurengana hurbildu. “Nühurekin eta Jai Batzordearekin, ordea, bai egin dugu berba”.

Gizartearen ezjakintasuna

Gizartean dagoen ezjakintasunaren inguruan, LGBT+ mugimendua onartzen dela diote, “baina” askorekin. Mikel Iturricastillok argi dauka armairuak ez lirakeela existitu behar. “Armairuak gizarteak eratu ditu guzti hau ikusezina izateko. Jendeak sartzen zaitu armairu horretan ‘neska-laguna edo mutil-laguna daukazu?’ bezalako galdera heteronormatibokin”.

Hala ere, onartzen dute az-

ken finean armairuak hor dardela. Mochalesen iritziz, “bartzuei kostatzen zaie irtetea, beste bartzuei ez”. “Familiaren arabera ere irekiago izan zaitetzke, edo ez, zure orientazioa adierazteko orduan”, dio.

Ateak zabalik

Edonorrentzat zabalik ditu ateak Kimaira elkarteak. “Jendea gugana etortzera animatu nahi dugu, informa daitezela. Bileretan parte hartu nahi badute, eskuzabalik hartuko ditugu. Probatu dezatela”, adierazten du hirukoteak.

Eurekin kontaktuan jartzeko kontua ireki dute Instagramen ‘kimaira.elkartea’ izenarekin eta euren helbide elektronikoa kimaira.lgtb@gmail.com da.

Ekhi Velar

URRETA burdindenda

- * Etxea
- * Giltzak
- * Tresneria
- * Savrailagintza
- * Brikolajea
- * Kit altzariak
- * Ervillak

Zeharkalea 8 Tel: 943 17 65 61 **ERMUA**

TXALAPARTA ABERNA

Eta asteburuetan pintxoak, afariak eta bokatak!

- Itsaskabra pudina.
- Txipiroiak.
- Piper beteak: okela edo onddoak.
- Fritoak: urdaiazpikoa edo onddoak.
- Redondo saltsan.
- Sagar tarta.
- Gazta tarta.
- Tortila patata...

Erdikokale 13 (Ermua) **ENKARGYAK 943 030 299**

MALLA ileapaindegia

Probaleku 8, behea © 943 17 18 50

ileapaindegia

Silvia peluquería

Asteartetik ostiralera 9:00-12:00 15:00-19:00
Larunbata 8:30-13:00

943 170474 688819336